

沈乃文主編

明別集叢刊 第四輯

第十七冊

黃山書社





國家出版基金項目
NATIONAL PUBLICATION FOUNDATION

『十二五』國家重點圖書出版規劃項目
2011—2020年國家古籍整理出版規劃重點項目

沈乃文 主編

明別集叢刊 第四輯

第十七冊

黃山書社



(明)陸可教 著

陸學士先生遺稿十六卷

明萬曆劉曰寧等刻本

陸葵日先生集選叙言

寶發三洞奇勝甲天下迤邐而西瓊璫嶒嶸瑞雲飄飄其英靈之所孕鍾往往碩儒名卿出焉則余師陸先生里也先生之先宦山公與章楓山諸公倡明理學先生胤沛艾而起琳琅文獻歸望海內宗之若泰山北斗云遇奇以薄技出先生門來宰長山偕東陽郭汝薦仁和吳方之遊先生里式其廬瞻謁先生遺像依依低回不能去詢之長君

得先生遺文若干卷以屬劉大史刪定將謀諸同門遊浙者協梓以傳未遽就會鄭吳二君以得擢行遇奇在事且久而大史劉公觀察黃公大參蕭公並以先生門下先後手書相及曰此先生千秋業也屬奇力督是役誼弗辭因攷先生之遺藁散佚固多而茲編也劉大史刪顛又甚精以視全集僅十之五蓋集中代天言代人言者先生原不居名

應酬之章得者為昂作者為危
先生亦不盡居實讀刪本先生
之集益粹道益尊矣奇等嘗侍
先生先生每與門人言文別其
途曰平淡曰神奇而揭其歸曰
信曰真直以屏棄筆劄究極聖
賢裏蘊為庶幾當於作者進於
文矣夫淡非淺膚之謂其謂詞
簡而味沉淡而不厭者也奇非
詰聾之謂其謂思玄而旨粹奇
而不詭者也淡不厭乃真淡奇
不詭乃真奇追琢不用名理自

陸學士先生遺稿

序

三

饒內而信心外而信天下萬世
斯至文也當代作者北地崛起
用剗為功濟南弇州新都嗣興
或以氣勝或以才勝或以詞勝
豈不亦遞執牛耳高時先登與
乃其齟齬二陵謂視古循詞寧
要諸理夫詞與理安可離而岐
也理苞塞不喻假之詞詞汎博
無次軌之法詞以達理理又麗
法六經固名理區藪也而法千
變不窮當令人舉遺編而躍如
彼豈以盲史腐令事事不根理

陸學士先生遺稿

序

四

乎周禮周官屬類比事結撰構
思豈盡渾樸而未剖者乎余觀
先生之文其頌疏詩賦序傳雜
記鴻篇短牘不拘繩墨亦不離
繩墨隨其意之所到境之所觸

矢口成言無不洞然劃然踴暢
于心目其才情氣調即以鴈行
比地諸君子奚讓焉然而先生
非有意繁長字句間也先生挾
班馬之才養歐蘇之氣而會程
朱之旨其為文期於振極道要

而明蘊奧而止故不務神奇務
平淡不務藻績務真實即平淡
真實之未嘗不藻績神奇也連
連乎其若轂轉颿颿乎其若雲
行不匿于理而亦不跳于法參
諸作者百羽集而競飛濟南龔

州則摩空之翼也新都二陵則
鳴崗之儀也先生其翩翩九苞
而翱翔千仞者乎里稱先生為
人磊落坦蕩自遊鄉校至出入
承明無華素二相宦遊二十餘
年第容旋馬家無長物讀先生

先生按先生生平忠孝節概淋漓
慷慨而難進易退之義澹泊寡
營之致具灑灑曠無異故真也
以行微心以心微先生之文
真矣先生之真不獨文矣繇斯
以譚先生青箱之傳固大有光
於霍山公乃淵源所自多得之
楓山諸先生而何王金許與東
萊諸大儒則又先生生小鄒魯
鄉所脉脉私淑而皈依之為鼻
祖者也以此寫奕史冊垂休來
茲良豈偶耶遇奇捧遺編佩為

茲常其于以緣飾吏治儼然焚
牆函丈也匪曰汙阿所好是為
叙
萬曆戊申歲鵬月既望金華令
吉州門人龍遇奇頓首拜撰并
書于玄暢樓中



陸葵日先生集選序

夫人文有二乎哉擴達峻潔之士其文多清新遒勁究則能以正爲奇若淺若深而意恒在於法之外辟則和風甘雨天施其常而物之變幻自異深雄沉鷲

陸學士先生遺稿

序

之士其文多汪洋宏肆若顯若晦而法亦寓於意之中辟之奔雷爛電天著其變而物之流形自同故韓醇以典柳麗以壯歐蘇疏以暢各隨其學力之所及以成一家言總之人與文相肖

也明興李獻吉之文豪宕鼓壯而其人矜氣節熟經濟何大復之文敏秀瑰麗而其人務綜博敦行誼讀其文想見其人嗚呼盛矣邇來文士珠馳璧立而尚論其人較若畫一此亦評文之

陸學士先生遺稿

序

二

一法也吾友陸敬承特起隆萬間自幼警慧日誦數千言九歲能屬文十六補郡庠燁燁有聲中癸酉省試丁丑會試第二人改翰林庶吉士以編修充纂修經筵講官兩主江右應天鄉試

疊典春試所拔皆一時名士擢
南北祭酒南右宗伯以父喪哀
毀構疾竟至不起先是敬承既
讀中秘書益博洽淹貫倚馬數
千言立就初若不構思而卒無
所竄改焉文成不自珍惜又不

陸圭先生遺稿

序

三

善收藏每脫稿輒為人持去故
自頌疏試錄外詩文詞說百不
存一今且人與文併亡矣况予
陸合壽搜括笥中遺稿僅若干
卷而門士郭龍二君以屬劉大
史刪校并約同門諸君子各捐

陸圭先生遺稿

序

四

俸付之剗剗以志不朽而屬序
於不佞顧不佞孤陋寡識不嫻
於文何能為役然不佞與敬承
同郡同舉鄉會而又脫我於危
難之中交最久而知最深素習
其為人請先言其人而遂及其
文可乎蓋敬承胷次灑落坦夷
空洞內無城府外無組織故文
亦春容爽朗若雲流霞布無聲
牙刺齟語性復恬退咀藜衣褐
不好紛華不邇聲利故文亦冲
素冷澹若太羹玄酒無濃艷妖

異態性即冲夷不沾沾自好而
居家孝友立朝忠清循矩而趨
望牖而納有養志格心遺風文
即簡澹不屑屑字句至談古今
成敗國家利害川至泉湧動中
縈竅有江都長沙餘調說者謂
其人似呂正獻外若猶夷中實
峭厲處紛肩巨不詭不隨非希
世以就功名者其文似蘇長公
不事彫琢而天竅自發驟而若
淺復而彌深才氣慙溢無所不
極且窺作者堂奧矣他如法祖

陸學士先生遺稿

序

五

頌諷而有體悼亡詩哀而不傷
五七言律古體歌行排律皆清
勁流麗若矢之飲石有餘力焉
置之元和長慶間豈在長吉長
卿諸人下哉使天假之年其文
章勲業當有不可量者奈何賁
志以沒也嗟乎典刑雖在風流
若掃青燈吊影空懷山陽之慨
散帙曝晴更成蜀州之嘆雄文
佳什勒之琬琰亦足不朽矣敬
承侍從迄二十年無他表見獨
以人事君之誼卓冠一時若東

陸學士先生遺稿

序

六

陽之郭振龍金華之龍鍾華時
稱龔黃卓魯之流不佞日涇濡
而親炙之皆陸子所簡拔以福
我婺民者也至于諸門士或列
翰苑或任臺省或居藩臬布滿
中外天下桃李盡在公門矣故
不佞敘其文併及其以文取士
能為國家樹豐偉之業云

皆

萬曆己酉孟春

賜進士第禮部祠祭清吏司主
事眷年弟盧洪春頓首拜撰

陸王先生遺稿

序

七

陸王先生遺稿

序



刻學士陸葵日先生集選序

余師陸先生所舉士曰郭東陽
吳仁和龍金華諸遊浙者刻先
生集余嘗校之當先生起詞林
善臨朐馮公臨朐尚通達先生
尚執其所為文詞先生法歐臨
朐法眉山遂齊名然皆不及于
大用以死獨其遺文至今學士
譚說不絕余嘗寓書陸伯子顛
收合先生遺稿以志千秋蓋嘗
陳摠而諦觀之津津乎名理也
乎然其詞脩搖筆而登作者之

壇嗣風人之音然不以抵掌肖

孫升即躋先生於北地歷下吳
郡之間固當狎主然不別作藩
籬亦不喜為附其篇章甚富余
以為文取必傳爾安用浩汗今
其梓者僅十之五也夫古之脩
士尚真今之脩士尚釣真故不
作不詭不勞不炫不敗釣者之
途多端矣大都與真反而其敗
亦易見余嘗兩謁先生竹林豐
草之間屋數椽爾敞榻故書外
無長物夷然居之其後再哭先

生則瓦燈丹旄蕭然蓬蒿之間
而其子遂有饑寒之色世有驕
語於陵萊蕪挾以釣奇者視先
生當為類亦且不啻勞矣先生
性不設城府飲酒賦詩盡朋友
山水之趣益示人以暇以夷以

陸王死遺稿

序

三

直雖慷慨時事語帶忤權貴然
平心侃侃又或不謂黎文唐常
退然自下然極意苦口不善持
兩端蓋摠其心術行誼斯所謂
脩士用真者邪古今謂文章可
以觀人余既從先生游讀其

蓋慨然思恍然如見其洞達者

為神明經緯者為詞章也置夏

后氏之璜周氏之鼎於五都即

望者知為三代之品然余又疑

造物者之變變也天之有意于

先生亦甚明矣其德立其道光

陸王死遺稿

序

四

其年未老其兆行迺獨不挈世
道以授先生反古人之真去末
俗之釣而徒使其言立悲夫激
之先清獻最著其後三百餘年
有章文懿者

明之賢人也章嘗以諫顯先生

當在宮案所上封事不啻數萬
言語具集中文懿父卧山間風
固高先生避權辭要留滯周南
者十餘年半在里巷概其出處
亦畧似矣澌多君子其然哉其
然哉然文懿方沒遂蒙不次之

陸學士先生遺稿

序

五

恩太常之議千古美譚而先生
之令德未盡表揚是誰之過與
語曰知我者希則我貴矣楓山
無改荒臺依然即兩公者固不
緣一字始重先生之所可傳其
在此邪在彼邪集刻成會會有

母喪不與于役自惟母杵師誼
在三不敢辭廢業乃檢舊所屬
草叙先生集

門人豫章劉曰寧撰

陸學士先生遺稿

序

六

於劉姓氏

豫章劉曰寧

越州楊宏科

攜李黃承玄

吉州蕭近高

毘陵陳幼學

吉州郭一鶚

陸學士遺稿

姓氏

淮南吳光義

宣州濮陽春

姑蘇徐待聘

雲間劉嘉猷

南州吳之璠

雲間喬拱壁

上蔡黃璞

豫章齊世祚

新都方淡然

毘陵蔣履

吉州龍遇奇

俱門人

新都程子鰲

錦江劉宇烈

俱任蘭谿

陸學士遺稿

姓氏

二